

آبونه شرايطي

ممالك عثمانیه ده سنه لکي (۶۰)، آلتی  
آیلتی (۳۰) غروشدر .  
ممالك اجنبیه ده سنه لکي (۱۷)، آلتی  
آیلتی (۹) فراقدر .

اداره خانه

باب عالی جاده سنده دائرة مخصوصه

اخطارات

آبونه بدلی پشنددر .

مسلكه موافق آثار مع الممنونیه قبول  
اولنور . درج ایله یین یازیلر اعاده  
اولونماز .

# الکتاب

سیر ۱۳۳۰

دینی ، فلسفی ، علمی ، ادبی هفته لوقه مجموعه اسلامیه در .

صاحب و مدیر مسئول

باش محرر

والله یهدی من یشاء الی صراط مستقیم

اشرف ارباب

محمد عاكف

اخطارات

رساله مزدن آلتدینی کوسترک  
شرطیله بتون یازیلر هر هانکی بر  
غزته طرفندن اقتباس اولونه بیلیر .

مکتوبلرک ، اهضالرک واضح و  
اوقوناقلی اولسی و آبونه صره  
نومروسنی محتوی بولونسی لازمدر

ممالك اجنبیه ایچون آبونه اولانلرک  
آدرسلرینک فرانسز جده یازلسی  
رجا اولنور .

پاره کوندردلدیکی زمان نهیه دائر  
اولدیغنک واضحاً بیلدیرلسی رجا  
اولنور .

اتبعون اهدکم سبیل الرشاد

فقهك تناقضدن بحث ایدوب ایتمه چکی مسئله سی ایچون مجله نك قواعد کلیه سنه مراجعت اولنه . دیمك که تناقض متحققدر .

د - ناصریکز انتقاد منری طوغری بولمش اوله جوق که جوابنده مذهبی ترک ایدیور . « نافی به آنجق امور ضروریه ده دلیله لزوم یوقدر » دیور ، بوراده انصاف کوستریور .

ه - ناصریکز مدلول ایله دلیل ارسنده کی فرقی کوردیکنی ، شوقدر که دلیلک مدلول ، مدلولک دلیل مقامده استعمالی مجاز اولدیغنی ، « علاقه » نام رساله دن نفلاً دلیل ایله مدلول آرسنده « دالیت ومدلولیت » علاقه سی بولندیغنی بیان ایدیورده یته یا کادیغنی میدانه قویور .

« بوراده [ دلیل سمعیسیله تعبیرنده ] مدلولی دلیل برنده استعمالز » سوزی یته دلیلی مدلولدن فرق ایده مدیکنی اثبات ایدیور .

فرض ایده لم که مدلول دبه جک ایکن مجازا دلیل لفظی ایراد ایلش بوکا برشی دیم! فقط دلیلی ذکر ایدوب مدلولی قصد ایتمیکنی ، دلیلی مدلول برنده قوللاندیمی حالده . مدلولی دلیل برنده استعمال دیمکه یته دلیل ایله مدلولی قاریشدر میورمی؟ محرر مدلولی دلیل برنده دکل ، بلکه دلیلی مدلول برنده استعمال ایلشدر .

علاقه نام رساله دن نقل ایتمیکنی دالیت ومدلولیت علاقه سنه کاندجه محرر بوراده شمعی به قدر دوچار اولدیغنی یوک برخطایه دوچار اولمشدر . شویله که : علاقه رساله سنده ذکر اولنان دالیت ومدلولیت علاقه سنندن مقصد دال ویا دلیل ویا مدلول لفظلری دکل ، بلکه دال اولانلر ، دلیل اولانلر ، مدلول اولانلر ، بو الفاظک تناولی بولنانلردر .

دالی ذکر ایدوب مدلولی قصد ایتمک لفظی ذکر ایدوب معنایی اراده ایتمک کیدر : فهمت الالفاظ ترکیبنده اولدیغنی کی .

کذا مدلولی ذکر ایدوب دالی قصد ایتمک معنایی ذکر ایدوب لفظی اراده ایتمک کیدر : قرأت المعانی ترکیبنده اولدیغنی کی . نته کیم رساله نك شارح لری بویله جه مقصدی ایضاح ایدیورلر . برکه حافظ سید شرحنه ، قره تپلی به ، حاشیه سنه مراجعت اولسون .

نه حاجت دالیت ومدلولیت علاقه سننی شارح لرسو یلمسه بیله یته بویله یا ککش اکلاناملیدر . چونکه دالیت ومدلولیت علاقه سنندن مقصد محررک اکلادیغنی وجهله اولسیدی علاقات سائر . مثلاً مصدریت : مصدر لفظی ذکر ایدوب صادر معنایی قصد ایتمک ، کلیت : کل لفظی ذکر ایدوب جزء معنایی قصد ایتمک ، علیت : علت لفظی ذکر ایدوب معلول معنایی قصد ایتمک الخ ... دیمک اوله جوق ایدی .

بجازه . مصنف محمود الانطاک بویله یا ککش اکلاناملیماق ایچون برطاقم امثله ایراد ایتمش ، مثلاً علاقه مصدریته نعمت معناسنده مستعمل اولان ( ید ) لفظی ، علاقه کایته یارمق اوچلری معناسنده مستعمل اولان ( اصابع ) لفظی ، علاقه علیته صیجاق معناسنده مستعمل اولان ( نار ) لفظی الخ .. مثل ایراد ایلش ، علاقه دالیت ومدلولیت مثال ایرادینه لزوم کورمامشدر .

علاقادن مقصد الفاظک متناوللری اولدیغنی . علاقات سائر امثله ایله ایضاح اولندیغنی حالده اکلاناملیمور که مجرد دالیت ومدلولیت علاقه سنده مثل ذکر اولونمادیغندن محرر شاشیروب قلمشدر .

دلیل ایله مدلول ارسنده برعلاقه بوانه بیلیر . فقط او علاقه دالیت ومدلولیت اوله ماز . دیمک که ذهول محققدر .

منن بی آمل بکفتار دم — نکوکوی کردیر کوبی چه نم  
ایزمیری

اسماعیل حقی

## عالم اسلام - آلمانیا

### واتلاف مثک

فیغارویه جواب :

فیغارو جریدر . سنک صوک نسسخه لرینک برنده کی باش مقاله یی او قودق . محرر بو مقاله سننی ایکی اساس اوزرینه ترتیب ایدیور : برنجیسی آلمانلرک ائتلاف مثک حکومتلری آرسنه نفاق صوق ایچون فرانسیزلر علیهنه برطاقم نشریات کاذبه ده بولندقلری ؛ ایکنجیسی ایسه اهلینک فرانسه حکومتیه اولان صداقتی اخلال مقصدیله یته آلمانلرک آفریقاده ده تحریکات اجرا ایلدکلری ادعاسندن عبارتدر . صاحب مقاله بو خصوصده اوبله تفصیلاته کیریشیور که تناقض ایله مالامال اولدقدن باشقه هپسی یالان ، هپسی حقیقتک شکل محرریدر . بز اولو بو ایکی اساس حقنده کی مطالعه منری بیلدیرمک ؛ صوکرده حقیقته وانسانیتیه خدمتله قارشیمزده کی ملنلرک افکار عمومیه سننی اویانیدیرمق ایسته یورز . او بچاره ملنلرک افکار عمومیه سننی که حکومتلرینک زمامدا رانیله رجال مطبوعاتی طرفندن طور مایوب آلداتیلیور و بو شرذمه احتراصک سوءسیاستی یوزندن باشلرینه یاغمداق طوفان مصائب قلمیورا کرک آلمانیا دولت فحیمه سنک ؛ کرک خلافت مقدسه اسلامیه یه صاحب اولان دولت عثمانیه نك - که سزلر دسائسکره ، افساد ادا تکزه رواج ویرمک ایچون حقنده دنما « ترکیا » تعبیری قوللانیورسکرز ؛ کرک بوتون عالم اسلامک جهان بشریت حقنده بالکیزر مقصدی واردر . مقاصد متصوره نك اک تزییمی ، اک عادلی اولان ؛ انسانیتک راحت وسمادنی هرشیدن زیاده تکفل ایدن بو مقصد ایسه غایت صریحدر ؛ کذب ایله ، تحریف ایله ماهیتی دیکشیدیرمک قابل دکلدر . اوده شودر که : هرمت ، هر دولت استقلال سیاسیسنه تمامیه صاحب اوله رق یاشاملیدر ؛ دنیا بوتون اقوامک تجارتیه قارشی آجیق اولمایدر ؛ بو خصوصده کیمسه نك کیمسه یه مانعته حقی بولناملیدر ؛ ملنلر آرسنده کی جدال هر برینک کندیسندن یوکسک کوردیکی دیکر ملنک سویه سنه چیقمق ، یاخود ده زیاده یوکسکملک ایچون سلاح سی و مجاهده یه

صاریتاسنی ایجاب ایدن رقابت حسنه دن باشقه برشی اولما لیدر. برمت کندیسندن دها مترقی کوردیکی دیگر ملتہ بو ترقیسندن دولای دشمن نظریله باقامالی؛ بالعمکس ترقی انسانیتہ دها زیادہ خدمت ایش اولمق اعتباریله شایان حرمت و محبت کورماید، بر فرد، یا خود برمت دیگر فردی، یا خود ملتی علمده، ادبده، صنعتده، تجارتده، زودده، ناسک حرمت و محبتی قازانمده کندیسندن دها ایلریده کورنجه اونک بو رجحانی تأمین ایدن اسبابی آراشدیرملی؛ تربیه و تحصیلک فائقتی، صنعتک فضلہ متاتی، معاملہ تجاریه تک دها سهواتی، الحاصل قناعت، حسن خلق، حسن معاملہ، شفقت، اخلاص، حلم، خیرخواهق کبی اوصاف و مزایای کزیده یه صاریلق صورتیله او موقعی الده ایتمک چالیشمالی. ایشته دنیا طور دقجه ترقیسنه متها تصور ایدیله مین کالات بشریہ یی احراز خصوصندہ کندیسندن استفادہ ایدیله جک قوت بویله بر رقابت زیره اوله بیلیرکه کرک امت اسلامیہ تک، کرک آلمانلرک ایستدیک بوندن باشقه بر شی دکادر. نیتہ کیم حشمتلو امپراطور حضرتلری طنجه یی تشریف لرنده « بن بالکز ایش، علمه، برده دستکاه طانیرم؛ بو اوج شیدن باشقه سنه مداخله یی خاطریمه کتیریم» بوور مشلردی ایشته، ماهیت نجیبه و مقاصد زیره لری مشار الیه کبی حقیقه نظری بولونماز بر وجود کامل طرفندن شو سوزلرله تمیل اولنان، آلمان ملتی مسلمانلر او کوندن اعتباراً کندیلریله تمامیله متحد گوردیلر؛ او ملتہ قارشی صوک درجه ده خالص بر محبت بسلمک باشلادیلر؛ حقلرنده هیچ بر فدا کارانی اسیرکه مدیلر؛ بو اتحاد فکری و قلبی آچیقندن آجیه اعلان ایتمک و حقیقی بر اتحاد مادی ایله برلشدیررک قوه دن فعله چیقارمق ایچون فرصته منتظر اولدیلر. زیرا بک اینی بیلدورلردی که بویله بر اتحاد و قوعی آئنده انسانیت راحت یوزی کوره جک، ضعیفلر قویلرک تجاوزندن امین اوله جق؛ قویلر بر بویله بوغوشمق اضطرارندن آزاده قاله جق؛ ناحق یرہ بشرک قانی دو کولیه جک؛ ثروتلر سعادت بشریہ یی تأمین اوغورنده صرف ایدیله جک، ملتلر یکدیگریله حرمت و مودت متقابلہ دائره سننده اختلاط ایدیه جک؛ مصالح و معاملات عالم قاعدۀ عدل و انصافه مراعات شرطیله تبادل ایدیه جک؛ کائناتده صلح و سکون حکمران کسبله جک؛ حق هر یرده نفوذی بوروده جک؛ باطل هیچ بر یرده دیکش طوتدیرمه جق؛ هر طرفده مسعود بر عمران، اعمار معناسنه کلن بر استعمار کوریه جک. ایشته کرک خلافت اسلامیہ تک، کرک متفق بولنان آلمانیا حکومتلرک بر طرفندن علوم، فنون، آلات حربیه و رجال ایله، دیگر طرفندن حقایق نشر، اراجفی تزییف، افکار عالی تنویر، غافلری ایقظ کبی وسائط ایله استحصاله چالیشدق لری غایه بوندن عبارتدر.

لکن انکلتره، فرانسه، روسیه حکومتلرینک باشنده کی اشخاص ایله بونلر طرفندن صاتون آلمش اولان غزنه جیلرینک قسم اعظمی انجق بر مقصد آرقه سننده قوشیورلرکه اوده بوتون امتلری استقلال سیاسیسندن محروم براقق؛ هپسنی کندی بو یوندورق لری آلتنه آلمق؛

تروتلری، ملکلری، تجارتلری کاملاً یداحتکارلرینه کچیرمک؛ نه قدر منابع کسب و صنعت و ارسه جمله سنه کندیلری صاحب اولوب باشقه سنه برشی براقمق؛ علم انسانیتی الی الابد بهائم درک سننده بولوندیرمق؛ بیچاره لری کندی حسابلرینه ایشلتوب اللرینک امکندن، آلتلرینک ترندن سوکته قدر باد هوا تنم ایچون هر درلو ترقیات علمیہ و فکریہ و مادیه لرینه اولانجه قوتلریله حائل کسيلمک؛ متعالی، یا خود تعالی یه نامزد کوردکلری اقوامه سائقه حسدله هر درلو فنالهی روا کورمک؛ و بویله لری محو ایچون اقتضا ایدرسه بوتون دنیای خراب ایتمکدن چکیمه مک صورتنده خلاصه ایدیله بیلیر!

آرتیق بو مقصده وصول ایچون طور مایوب حاضر لادق لری آلات حربیه ایله او آلات حربیه کبی حسدن، اراده دن محروم براقدق لری میلونلرجه بشری استخدام و تضلیل افکار، تقلیب حقایق، ترویج باطل، افساد عقول کبی؛ حسابات نجیبه یی، احتیاسات فاضله یی محو کبی؛ اقوام آره سنه القای شقاق کبی هر درلو وسائط ملعونه یه مراجعت ایدرک بوتون انسانیتک عذاب ایچنده، اضطراب ایچنده قیورانساسنی کندی بقای موجودیتلری ایچون ضروری کورورلر؛ بو وجدانسز ملتلرک کندیلرندن باشقه سنه قارشی اولان نظرلری بهائم قارشی اولان نظرلری کبی در، حتی بهائم، جمادات اولنرجه نسبتله دها قیمتی در. بونلرک اولانجه شدت لری، شناختلری انسانیته؛ باخصوص بو یوندورق لری آتشدوشمک فلاکتیه معروض قالان زواللی ملتله متوجه در. زیرا تعقیب ایتدکلری غایه تک شناختی، اتحاد ایلدکلری سیاستک شمامتی، برده بوتون دنیای اسارت آلتنه آلمقه تسکین اولونه بیله جک احتراصلری سائقه سیله نظر لرنده کندیلرندن باشقه نه قدر امت و ارسه دشمنلری در. اونک ایچون هر درلو واسطه ملعونه یه، هر درلو مظالمه مراجعت ایدرک بعضاً انتقام، بعضاً تأمین استقبال مقصدیله او بیچاره لره قارشی هجومدن کری طور مازلر. بوندن دها غریبی شودرکه: بونلر کندی وطنداش لرینه بیله مرحمت ایتزلر. اوت، وطنداش لرینک تروتی کندی املا رینه خادم ایتدکدن، اولنری کندی مقصدلری اوغورنده بهائم کبی قوللانقدن باشقه کاه یک ناچیز بر بدل مقابلنده، کاه وطنپرورلک نامیله آلدانه رق حقیقتده هیچ رنقی، هیچ روجه شروعی اولمایان، نه بر حنک، نه بر سعادتک تأمین غایه سنه معطوف بولونمایان محاربات مهلکیه سوق ایدرلر. میلیونلرجه بشرک محویله نتیجه لن بو محاربه لر صرف کندی احتراصات سفیله لرینی تأیید ایچون اختیار اولونمده درکه هم کندیلرینه، هم ملتلرینه ابدی بر لغتدن باشقه برشی قازاندیرماز. ایشته شیمدی یه قدر مقداری بش میلیونه یاقین بشرک؛ او، هر فردی منسوب اولدینی امته بر چوق زمان، بر چوق ثروت، بر چوق مشقت بهاسنه مال اولان بیغینارجه ابنای آدمک محوی استلزام ایدن بو محاربه یه علم انسانیتی سور و کله ینلر انکلیر، فرانسه، موسقوف ملتلرینک رأس کارنده بولونان بر قاچ جریص غافل اشخاصدن بانقه کیمسه دکادر. مقصدلری ایسه اوکلرنده بولونان هر قوتی ده ویرمک. کره ارضی بالکز کندی آرملرنده تقسیم ایتمک، سکنه ارضی اسارتلری

مدافعه دن عاجز . تاریخ سزی حماقتله ، وحشته ، وحشیلره مظاهرتله اتمام ایده جکدر .

بک اعلا . مسلمانلره آلمانلر بو حقایق نشر ایدنجیه بالان سوبله مش ، افتزاده بولونمش ، یا خود عربلره علی الاطلاق اقوام شرقیه دن هر هانکی برنی تحقیر ایتیش می عد اولونمق لازم کله جک ؟ یوق یوق ، حقایق باهره بی پروا سوبله مهیه بالانجیلق دیمک بالانجیلق ، مفتریلکک منتهامی در . فضله اوله رق بونی عالم بشریته حقیقت صورتنده یوتدورمه یه چالیشمق حماقت مفرطه در . صوکر ا نشر حقایقه چالیشانلری تشنیعه قالدیشمق او حماقت برده غلظت علاوه ایدکدر . ده صوکر ا بویالانلرک عبدالله آرهنده رواج بوله جفته اینامق بوتون عالم انسانیتی خیرینی شرینی ، نفعی ضررینی تقریقدن عاجز جمادات در که سنده محقر کورمکدر .

ای محقر محترم ، سنک او پارلاق مقاله کک منسوب اولدیفک ملنک ، کک متفکر کزک مقدراتنه حاکم اولان اشخاصک ضماثرینی اوبله واضح بر صورتده بیلدیر بورکه آزیحق حسدن نصیبه دار اولانلر ایچون ماهیتلرک حقه سده او فاجق بر شهبه قالمایور . قصد ایتدیگکیز غایبی بک عجیب ، لکن بک صریح بر صورتده کوستریور .

مقاله کک صوکننده دیورسک که : « تونسلیلرک منافعی حامیلرینی دیکشدرمه یه قالدیشما لری صورت قطعه ده ایجاب ایدر . ذاتاً بو حقیقتی حس ایتیش اولدیلرینی بالدقات کوستریدیلر . زیرا تونسلیلر نه تورک استیلاسی آلتنه کیرمه بی ، نه ده آلمان چیزمه سی آلتنده قالدی ایتسه نزل . »

بوسوزکده قلب حقیقتدن عبارتدر . زیرا تونسلیلر ؛ بویوک ، کوچوک ؛ قادین ، ارکک ... هپسی ؛ حتی پاره ایله اله ایتیش اولدیفکیز بعض ارادلی بیله ، هیچ بروقت فرانسزلرک کندیلرینه حامی اولدینی اعتقادنده دکلددرلر . بونلرک ایمان ایتدکلری بر حقیقت وارسه اوده شودر : فرانسزلر تونسلرک باشنه بلا اولمشلردر . تونسی صاحب حقیقیسی اولان خلافت اسلامیه نك الندن غصب ایتمشلردر . تونسلر دولت خلافت اولان دولت عثمانیه نك اجزای مالککنندن در . تونسلیلر عثمانلی درلر . بر امتیازلری وار ایسه حکومت عثمانیه نك فرمانلره کندیلرینه بخش ایتیش اولدینی داخلی امتیازلرینه مالک اولملری در . خلیفه طرفندن احسان اولونان بوفرمانلرک مقتضاسنه موافق اولمایان هر حرکت تونسلیلرک عندنده غیر معتبر و غیر مشروعدر . بناء علیه فرانسز استیلا سندن قور توماق ، حق صاحب مشروعنه اعاده به چالیشمق دیمک ؛ تونسلیلرجه کندیلرینک منفوری کوسترمک ایسته دیکک تورک استیلاسی آلتسه کیرمک اولمایوب ؛ بالعکس نظر لرنده الک مقدس ، الک معزز برغایه در ، هر لحظه بکلدکلری مسعود بر حیاتدر .

آلمان چیزمه سی آلتنده قالمالرینه کلنجه ، ای محقر بیلمش اول که : نه تونسلیلر آلمان چیزمه سی آلتنده در ، نه ده مسلمانلرک دوستی اولان آلمانلر شیمدی یه قدر بویله برامل بسله مشدر . بالعکس آلمانلر اونلرک حریتلرینی ، شرفلرینی و شرف خلافتی تأیید ایچون چالیشمشدر . بو

آلتنه آلمق ، عبدالله ایله بیلدکلری کبی اوینامقدر . حشمتلو آلمانیا ایبراطوری حضرتلری بونلره نه قدر نصیحتده بولوندی ؛ آچق ایسته . دکلری حربک تولید ایده جکی نتایج الیه بی کندیلرینه نه قدر آچق بر صورتده کوستردی . لکن دیکله مدیلر . زیرا احتراصات سفیه قولقلری صاغیر ، کوزلری کور ایدر .

بوکون علم بشریت ایکی قسمه آریلشدر . برنجی قسمی تشکیل ایدنلر سبیل سدادی تعقیب ایدوب کیدنلر در که انسانیتک سمداتی ، راحتنی مدافعه ایچون اولانجه قوللریله چالیشوب طور یورلر . ایکنجی قسمه داخل اولانلر ایسه کربوه ضلاله صابانلر در که انسانیتی محو ایچون ، انسانلری حرمان ابدی یه دوشورمک ایچون زواللی بشری آلداتوب طور یورلر ده بومامون حرکتیه مدنیته مدافعه ، حریته نصرت اسمنی ویر یورلر .

کورول یورکه زلر بوتون بوفالقلری قارشومزده کی اوچ حکومتک مقدراتی دست احتراصنه آلا نره ، اوت ، یالکیز اونلره حصر اید یورز . زیرا قطعاً بیل یورز که بواج ملنک افرادندن برچوقلری اولان ایشاره راضی دکلددرلر . بو خصوصده بزم تعقیب ایتمکه اولدیفمز مقصد مبعجله قلباً اشتراک ایتمکه درلر . کربده قالان خلقک افکار عمومیه سی ایسه بویوکلری طرفندن اغفال ایدیلشدر . حالبوکه بر ملتده معزز مقصد تعقیب ایدن ولو تک بر آدم بولونجه اولمته حرمت ایتک ، وبالی کربده قالانلرک بویزه یوکه مک واجب اولور .

اوحالده ، ای حضرت محرز ، مسلمانلره آلمانلر بو حقیقتلری نشر ایدوبده عالم بشرک افکارینی تنویره چالیشیرلر و آناری طریق س داده دعوت ایدرلر و سنک کبی ارباب اغفالک دسانسنه قایلما مق ایچون فکرلری ایقظه اوغراشیرلر ؛ یا خود افکار عمومیه کزی ملتکیزک بر قاج عصرده طویلا یه بیلدیکی یکر می میلیاردن فضله آلتونی روسیه کبی بر مستبد حکومته قایدیرمش اولدیفکیزی کندیلرینه اخطارده بولونورلر سه بورخطامی اولور ؟ اوت ، سز ملتکیزک الندن آلدیفکیز بوباره لری موسقوفلره و برکن ملل سائر حقه بسله مکده اولدیفکیز مقاصد وحشییه استحصاله او وحشی قومی معین و مظاهر اوله جق خیال ایتشدیکیز . هیهات !

روسیه حکومتی سزک کبی اشخاص واسطه سیله ملتکیزی صوبه رق بو ، بوکارجه آلتونی مملکتته طاشیرکن دوشوندیکی نه ایدی بیل یورمه یسکیز ؟ کندی لوازمی ا کمال ایله او قوجه آبی برقوانی شرق قریبه ، دیکرینی شرق اقصایه آتمق ، قفاسنی ده آق دکزه چیقارمق ایدی .

ا کر بومقصدی استحصال ایده بیلسه یدی ، دنیا یوزنده نه سنک کبی اشخاصک ، نه ده منسوب اولدیفکیز ملتکیز ذره قدر نفوذی قالمایه . جادی . ایسته سز لر سیاستده کی حماقتکیز سائقه سیله ملتکیزک اولانجه ثروتی روسیه کبی بر حکومتی تقویه اوغورنده هدر ایتدیگیز . حرب حنر نه مدهش بر خطیاده بولوندیفکیزی سزه کوستردی . زیرا تورولدی که روسیه حکومتی سزه یاردم ایتک شویله طورسون ، کندیسینی

خصوصه الك قوی بردلیل وار ایسه اوده مشاهده در . خایر ، ای محرز ، تونسلیلر سزك چیزمه لکز آلتنده در . شاید سوزکی عکس ایدوبده « نهده فرانسز چیزمه سی آلتنده قلمه بی ایسترلر . دیمش اولسه یدک حقیقتک تا قبله اصابت ایتمش اوله جقدک وزده سکا تشکر ایده جکدک . لکن سن مقاله کک بدایتندن نهایتنه قدر تحریف حقایق التزام ایتمش سک .

دیورسک که : « اوتوز سنه دن بری حمایه من آلتنده بولونان تونسلیلرک بوسایهده اقتطاف ایلمش اولدقلری ثمراتی لسان شکران ایله اعتراف ایده جکلرینی ظن ایدرز . بناء علیه اوندن بجهت لزوم کورمه یز ... »

ای حضرت محرز ، تونسلیلرک بواعترافندن بحث ایتمه بیشکزه واعترافک تفصیلاً کیشمه بیشکزه تشکرلر ایدرز . بونکله برابر بن ینه تونسلیلرک سزك حق کزده کی حسبیاتی شوراجقده بیلدریمک ایسته یورم : تونسلیلر عن صمیم القلب اعتراف ایدرلرکه فرانسه حمایه سی بونلرک النده امور اداره لرینه عائد هیچ براراده وتصرف بر اقامشدر . نته کیم تونس بکی یرینه فرانسزلردن اولمق اوزره بر نائب حکومت ، باش وزیر ومعارف ناظری یرینه ینه فرانسزلردن برکاتب عمومی نصب ایتمش ، هر اسسکی اداره نک باشنه ینه فرانسزلردن برر رئیس وهر مملکتده کی قائدک یانی باشنه ینه فرانسزلردن برمفتش تعیین ایتمشدر . سوکرا یکی برطاقم اداره لر تاسیس ایتمشدرکه هینسک کرک رؤسای ، کرک مستخدمه یینی کاملاً فرانسزدر . رأی ، نفوذ تمامیه بویکی مأمورلرک النده در . تونس بکندن پولیس نفرینه وارنجیه قدر هیچ بر فرد ایچون کندی باشنه برایش کورمک ، آمرلری بولونان فرانسزلرک امری لاحق اولمادقجه کندیلکلرندن بر حرکتده بولونمق قابل دکلد . سیاسی ، حقوقی ، مدنی ، مالی ، عسکری بوتون مسائله یریلر اجساد میده قیلندن اولوب بواجسادی حرکت کترین ارواح کاملاً فرانسزدر . ینه تونسلیلرک فرانسه حمایه سندن اقتطاف ایلدیکی ثمرات نافعده دن اولمق اوزره اراضی کاملاً یریلرک الندن چیقمش ، ارباب استعمار ! نامی ویردکلری فرانسزلرک الیه کچمشدر . بومقصدک حصولی ایچون فرانسزلر غریب برطاقم طریقله مراجعت ایتمشدر . شوبله که : اهالی النده کی اراضی درت قسمه منقسمدر . برنجیمی اراضی خراجیه در . بو نوع اراضیک هر پارچه سی افراد ملتدن برینه عائد اولوب صامق ، باشقه سنه ویرمک ، وقف ایتمک ، ورثه سنه بر اقق کی بوتون تصرفات صاحبک حتی در . بوتون بلاد اسلامیه ده یکنه قانون تصرف اولان شرع شریف مقتضاسنجه افرادک مانک ولدینی بو حقوقک هیچ برینه خلیفه اعظم طرفندن بیله مداخله جائز اوله ماز . صاحبی مبین اولان خراجی تأدیبه ایتمیکی مدتیجه مانه صاحبدر . حالبوکه فرانسه حمایه سی بو حقوقی تمامیه پایمال ایتمی . اراضی خراجیه یی یوزلرجه سنه دنبری سلفاً عن خلف توارث صورتیه صاحب اولان اشخاصک الندن آلدی وبونلرک حکومته عائد اولدیغی اعلان ایتمی . تونس بکنی بو اراضیک رباب استعمار ( فرانسزله ) ویریلوب باشقه سنه ویریله می حقد

بر امر اصدارینه مجبور ایتمی . کذلک طوبراقلرینی صانارکن یرلی مسلماننه صاماملرینی ؛ یالکز اینالانلره ، اسپانیوللره ، موسویلره ، الحاصل یرلی مسلماندن ماعداسنه صاملرینی شرط اتخاذ ایتمی . بو صورتله وطنک درتده برینه یاقین مقداری ملتک الندن چیقدی . دون اراضی صاحبی اولوب ملکینی ایشاده دن مسلمانلر بو کون فرانسزلرک یاناشمه سی کسیدلی . بیچاره لر ارباب استعمار دنیان فرانسزلرک قویونلرینی ، صیغیرلرینی ، طموزلرینی کودیورلر ؛ تارلالرینی سوریورلر .

ایکنجی قسمه داخل اولان اراضی اراضی وقفیه در . جامملرک زاویه لرک اوقافی کی . بو نوع اراضی اک قیمتدار طوبراقلردن متشکل اولمق اوزره مهم بریکون تشکیل ایدر ، که اولجه ملت استیجار صورتیه بواراضیدن انتفاع ایدردی . نظارتی ایسه مجلس شرعی به عائدی . زیرامال اساساً ملتک مالی اولوب قانون شرعی مقتضاسنجه وقف ایلدیش ونظارتی حکام شرعه تفویض اولونمشیدی . حالبوکه فرانسه حمایه سی نه شریعتنه ، نه اولنلرک وصیتنه ، نه قالانلرک حقوقنه رعایتی عقلنه کتیرمه . یدرک بو اراضی حقدده ده کیفی برطاقیم قوانین وضع ایتمی . بونی ده زوالی اهالیکن الندن آلهرق ارباب استعمارک دست احتکارینه کچردی .

اوجنجی ودردنجی قسمه داخل اولان اراضی املاک حره وواقف خاصه دن عبارتدر که بونلرده برر برر صاحبلرینک الندن چیقدی . شوبله که : یا فرانسزلرک بری برهکنار طوبراق صانون آلدینی حالده قومشوسی بولونان مسلمانک یوز هکنارلق اراضینی بنه سی ، فرانسه محاکمه مراجعت اولونجه ده بالطبع فرانسز حقلی چیقدی ، فضله اولهرق حق صاحبی محکوم اولدی ؛ یاخود بواراضیدن بر قسمی تونس حکومتمک پاره سیله صاتین آلتدی ، که بویاره حقیقت حالده اهالیکن کندی پاره سیدی . بوده اهالیکن النده کی طوبراغی آلهرق ارباب استعماره ویرمک مقصدیه تاسیس ایدیان زراعت اداره سی واسطه سیله اجرا ایلدیدی . زراعت اداره سنک بوضورتله اله کچردیکی اراضیدن یریلر چیقاریلدقن سوکرا اواراضی کمال مساعده ایله فرانسزله تقسیم اولوندی . بوندن باشقه اواراضی بی اعمار ایچون کندیلرینه کلیدی سرمایه لرده بخش ایلدیدی . یرلی مسلمانلر فرانسه قانونی موجبجه بومساعداتک کافه سندن محروم بر ایلدی .

ینه تونسلیلرک فرانسه حمایه سندن قازاندقلری منافعدن اولمق اوزره « صادقیه » اسمنده کی کلیه معظمه ضبط ایلدیدی ؛ تونسده کی دیگر معارف مؤسسائی کی فرانسز مأمورلرینه ویریلدی . کرک بو کلیه ده ، کرک دیگر مدرسه لرده تعلیم وتدریس یالکز فرانسز لسانیه هیچ بر فائده سی اولمایان برطاقم اهمیتیز مبادی فنونه حصر ایلدیدی . پروغراملرده طلبیه غایت آز معلوماتی بک اوزون زمانلرده تلقین ایتمک مقصدی کوزهدیلرک ترتیب اولوندی . حتی فرانسه رجالی جریده لرنده علناً دیدیلرکه : « حمایه آلتنده بولونان بر ملت کسب عرفان ایدرده حمایه سی آلتنده کی ملتک سویه سنه واصل اولورسه حامی ایله محی آره سنده

فرق قالماز . بلکه یرلی اولدینی ایچون محمی حامی بی کچر، بو ایسه بزم  
حمایه دن بکله دیکمز مقصده منافیدر .

ایشته بوضورتله بتون تونس قطعہ سی فرانسه استیلاسنه معروض  
اولدینی ۳۳ سنه دبری آنجق ایکی مسلمان طیب بتشدیره بیلدی .  
بونلردن بری فرانسه حمایه سندن کوردیکی الطافه متشکر آوطنندن هجرته  
مجبور اولدی . دیگر ایسه حالا تونسده اوطوریور . لکن اوتہ بئیک  
بریکیک محسودی اولمقدن برترقی کوره میور . بو ایکی کیمسه دن بشقه  
برقاچده دعوی وکیلی بئشه بیلدیسسه مقصداری هر حالده درتله بش  
آره سته اولمقله برابر فرانسلر حضور محاکمه بو زواللیرله برابر  
بولمقدن امتناع ایدیورلر .

بوندن بشقه حیانتک بریوک قسمنی تحصیل اوغرنده کچروب  
شهادتنامه استحصالنه موفق اولان تونسلیلر یتیمش بش نهایت بوزفراتفاق  
برخدمت بوله بیلیمک ایچون قو قو دولاشمق اضطرارنده بولبورلر .  
ای محرم محترم! شوسویدلکرم، بیلسین که، دکزه نسبتله قطره بیله  
ده کلدر . ذاتاً معتاد قدیمکیز اولان تحریف حقایقه، تهدیدلره، اصلسز  
منتلره قالیقشامش اولسه بیدیکز، تونسلیلری بوسوتون حسدن محروم  
جمادات درک سنه ایندیر مسه بیدیکز بوقدرینی بیله سویلکه لزوم کورمزدم .

ای فرانسلر! سز الدانیورسکیز . غفلتکیز سائقه سیله بک فاحش  
خطا ره دوشیورسکیز . غروری بر درجه به واردردیکیز که مخلوقاتی  
براقدیدکیزه خالق ورازقکیز اولان الله قارشى اعلان حرب ایتدیکیز .  
بتون ادیان سهاویه دن تجرد ایلدیککیزی صورت رسمیه ده اعلاندن  
چکنمه دیکیز . مملکتکیزی فحش ایله فجور ایله ، فساد اخلاق ایله  
دولدردیکیز . بر حالده که فرانسا دنیانک درت گوشه سندن کلن سفهای  
اقوامک کعبه سی اولدی . عباداللهه قارشى روا کورمدک ظلمی  
براقادیکیز . ضعفانک اوزرینه چو که رک سامانی لندن آلدیکیز، حیاتلرینی  
سوندوریکیز . فکرلرینی اشکنجه لر آنتنده ازدیکیز . اغزلرینه کم  
ووردیکیز . هیچ کیمسه ده ظلمکیزدن شکایته مجال قویمادیکیز . نهایت  
متفکر کزله برابر بتون دنیایی دست غصبکیزه کچیره رک شئاعتلرکیزی  
تعمیم ایتکی قوردیکیز . لکن خسرا نه دوشدیکیز . احتراصاتکیزه ،  
هوساتکیزه بازیمه ایتک ایسته دیککیز عالم بشرتی جناب حق البته حمایه  
ایده جکدر .

تاریخ ، کلام حکما ، کتب سهاویه شهادت ایدیورکه سزده کی اوج  
فضیحه دن یالکیز بری امتلرک محوی ایچون بالغاً مبالغ کافیدر . حالبوکه  
سزلر اوفضیحهرک اوجنی ده جمع ایتمش، هم هر برنده غایه قصوایه اصل  
اولمشکیز . اکر بونلردن واز کچمز، طریق حقه رجوع ایلرزه کز  
یوم فلاکتکیزک کلک اوزره اولدینی سزه تبشیر ایدرم . بو یوم  
فلاکتده امین اولک که بک اوزاق ده کلدر .

صالح الشریف التونسی

## مکر و نفاق مدینتی

اوروپا مدینتندن بیزار اولانلر، او بلا ایله خانمانلری بیقیلان،  
پریشان و پژمرده ، سفیل و ذلیل اولانلر ساده مسلمانلر ده کلدر .  
او آتش، او بلا کندی یوردینی ده یاقیور ، تخریب ایدیور . و بو  
خرابیتک دهشت و قسوتندن قورقاندلرده بزمه برابر آغلا یور، ایگلیور  
بو کونکی قیامت کبری نک او بلالری بیلدیرم کی افنا ایتسنی تینی ایدیورلر .  
فی الواقع رقابت حسی ، تفوق غایه سی ، بو کونکی حربی ایقاع  
ایتدی . بو، بر ضرورتدر؛ حیات بشریه نک موازنه سنی تأمین و محافظه  
ایدن قانون فطرتک مقتضاسیدر . « ولو شاء ربک لجلع الناس امة واحدة . . .  
کورولیورکه رقابت حسی ، و آنک بر نتیجه سی اولان تفوق غایه سی  
طبیعیدر، دائمدر . لاهی قونفره لر یله، صلح و مسالمت دیه بر طاقم کسانک  
باغیر ملربله آکا مقاومت ایدیلر من . بالعکس سلاحلر کسکینلشدکجه،  
طوپلرک جهنمی اغزی کینشلدکجه دهها قولایلقله اجرای احکام ایدر .  
ایشته بو کون حسن رقابت ، غایه تفوق مدینت حاضره نک ایجاد  
کرده سی اولان ججیمی و محو ایدیجی آلات ایله مجهز اولدیغسندن  
او حسن رقابت ایله انسانیتی بو کسکتمک و خیرده، فضیلتده مسابقه و تفوق  
ایتمک قصد ایدیلدیکندن مدینت حاضره ینه کندی ایله ایجاد ایتدیکی  
جهنملر ایله یواش یواش محو اولیور . اوروبالیر بونی بیلیمورد کلردی .  
اک بیوک علمسای عصر دن « و . استرقلاند » بونی بتون تفصیلاتیله  
یازمش و مدینت حاضره نک عاقبتی بتون فجاعتیله تصویر ایتمشدر . مشار  
ایله « شرقده سیاه بقعه » نام کتابنده دیورکه :

« لاهی قونفره لرینک ، او ادبی محاربات صلیبیه نک کسکین سلاحره ،  
عسکرک اوزرینه هیچ بر تأثیری اولیه جقدر . سلاحلری یاپان غرپ زبانیلرینک  
ایدر؛ اولرک علیهنده سوز سویلک تام برقابلا نه ویا برنمساچه عقل او کره تمک  
قییلندندر . فقط بو « فان دوکک و اولدیرمک » دینی، آنجق اوروباده حکمران  
اولان وقان دوککدن باشقه وظیفه سی اولمیان غورللا نسلنک تدریجی بر صورتده  
انقراضی ایله نهایت بوله جقدر . بو، یواش یواش، کندی کندی نه واقع و مطلقاً  
بو غورللا نسلی تحت اسارتنه آلدینی ملتلر طرفندن زنجیر بند اوله جقدر .  
درست دوشونسلر استرقلاندک بو اصابت فکرینی تقدیر ایدرلر .  
بو غورللا نسلی زنجیر بند ایتک ، بو غورللا مدینتی کبرتمک انسانیت  
ایچون اک مفید برایشدر . بو اوغورده چارپیشان حق سلاحلری مظفر  
اولورسه انسانیت ایچون اک خیرلی وظیفه ادا ایدلش دیمکدر .

فقط مدینت حاضره بو کونکی نزاعه رغماً مصون قالیرسه نه اولور؟  
بونک جوابی بیوک بر ادیب و حقیقین بر متفکر اولان Evryman  
غزته سنک سر محرری بولونان « لوق نورث » دن دیکلیلم :

« بعضیلری دیورکه : « مدینت مصوندر . » فقط بو مصونیتک معناسی  
میلیونلرجه انسانک یوردسز قالمی، میلیونلرجه معصوم چوجفک معدن آرامق  
مخاطره سنی کوزه آلهرق ناپارمسی ایچون اوغراشمسی، طعامک حیاندن قیستدار  
اولسیدر . اوهت بو مدینتک مصونیتی هر شیتک اسکیدی کی دونه جکی؛ اولوم  
فایزهرلرینک یه آجیله جنی؛ میلیونلرجه قادن ، ازکک و چوجفک یرک دیننده  
قرباجلر آلتنده سرمایه داران ایچون آلتون آرایه جنی؛ طوب، تفنک، سونکو